

Llach
el Kirel Omelisiich
er a Bedenged





Le uchul a klisichel a bedenged a ngarngii a bol relii
er a rengud, e a Demad er a Babeluades a meskid
a llach el moktek er ngii a mo melisiich er a bedenged
me a rengud. Meng tebechedel a Olutel ebangkelio
er a Jesus Kristo, e a Dios a ulehotii er a Prophet
Joseph Smith el kmo kede mekerang e mendedmoki
aikal bedenged me bol sebechel a Reng er a Dios el
obengked. Tiaikid el ocholt a domekedong er ngii el
Llach el kirel Omelisiich er a Bedenged. A otireklel
tial llach a kedmekill mo er a techolb e chelid el mo er
a Ikelesia er a Jesus Kristo er a Uriul-klebesei el Santo.
A klengeltengat a mo er tirkel locholt a klaumerang er
tir lokuu a otireklel tial llach.

Ngera Llach el kirel Omelisiich er a Bedenged?

A Rubak a ulehotii a Llach el
kirel a Omelisiich er a Bede-
nged el mo er a Prophet Joseph
Smith. Me nga er tial ocholt
e ke de nguu a uleklatk el mo
cheroid er a rrom, dekoool, me a
mesisiich el ilumel, el belkul a
kmo ng kohi me a tii. A uriul e
a reprofet a ulsisechakl el kmo
ng diak el kired el ousbech a
klekedkall el ngarngii a mek-
ngit el kar malechub eng mele-
mall me a ikel bo desau er ngii el klalo. A Llach el kirel
a Omelisiich er a Bedenged a dirrek el olsisechakl el

*Me sel mo klungiolel a
rengum me a bedengem,
ea Rubak a olengit me
lak mousbech a:*

- Rrom.
- Dekool.
- Kohi me a tii.
- Mekngit el kar.
- Kuk di bebil er a
melemall me a bo desau
er ngii el klalo.

kmo ng kired el mo olengesonges a omengeled er a tech e bai mo menga tane, rodech, me a iasai.

Klengeltengat er a Llach el kirel Omelisiich er a Bedenged.

Otireklel a Llach el kirel Omelisiich er a Bedenged a mo smisichii a tekoi er bedenged me a rengud. Meng uaisei e kau a sebechem el mo smecher, eng di otireklel tial llach a mo ngosukau me ke mo mesisiich a bedengem me a uldesuem.

Meng nga er a Beches el Renged ea Apostol el Paulus a melekoi er a bedenged el templo: “Kemiu ko medengei el kmo kom templo er a Dios, me a Chedaol Reng a kiei er a chelsiu? Me alsekum a chad a tomelii tial templo er a Dios, ea Dios a mo meringel el melsii ngii el chad; ele templo er a Dios a chedaol, e kemiu ngii el templo” (1 Korinth 3:16–17).

Me sel moltirakl er a Llach el kirel Omelisiich er a Bedenged, ea ikel momelchesiu, el okedeldaol, el ngar kau el tekingel a reng a mo kldmokl el mo melai a ongetikaik er a Dios. Bo meduch el orrengeles er sel chedaol mengelulau me a ikel mo melchesiu el tekoi. Ng mo ouchais er kau el kirel a kengaol tekoi ea Chedaol Reng a mo mekrolau. A llomes me a klemedengei er kau a mo merael el mo klou. Ng mo mededaes a uldesuem, sebechem el oserchii a rengum, e mo klou a rengum el kirel a klengar me a nga er medad.





Llach el kirel Omelisiich er a Bedenged

Tial ocholt, el ngiluu a Profet Joseph Smith er sera 1833, a olecholt er a rael el mla er a Demad er a Babeluades el mo er a rengelekel er chelchal taem. Tial ocholt, el sebeched el mesang el nga er a Doctrine and Covenants, bliongel 89 a mesaod aikakid el tekoi:

Ng Llach el kirel Omelisiich er a Bedenged el mo klungiaol el mo er a Ikelesia me a resanto er a Zion.

Tia blel beskid el osisechakl el obengkel a yaksok a sebechel lousbech er ngii a remechitechut el mo lmuut er tirkel kot el mechitechut el santo. . . .

Me nga er a chelsel tial Llach el kirel Omelisiich er a Bedenged, ea Rubak a melekoi er a resanto el kmo, ng betok el mekngit el omeruul me a uldasu a ngarngii er chelechang e morngii er a rengrir a remekngit el chad er a uriul el klebesei misei a uchul, e Ngii a ulemeklatk er kid ruchei e milskid tial llach er a omelisiich er a bedenged el okiu ocholt.

Ng diak el ungil merkid a dolim a bilong me a rrom. . . .

E dirrek, a decool a diak el bo er a bedenged, malechub el bo er a deled, e diak el ungil el mo er a rechad. . . .

A mesisiich el ilumel [tii me a kohi] a diak el ungil a le bo er a bedenged malechub eng deled.

*A Dios a ulemeob a rokui el ungil dellomel el kirel ome-
ngedmeklel, teletelel, me a ulsbechellel a chad.*

A Rubak a mla kudmokl a techel a charm er a beluu me a suebek el charm el bo lousbech a chad el oba omereng el saul; meng uaisei eng di a tech er a charm a kired el mesebech a omengeled er ngii. . . .

A rokui el tane a ungil el kelel a chad me a dirrek el redechel a melekesakt el dellomel; el ngarngii a redechel el nga er a chelsel a chutem me a lechub eng bebul a chutem. . . .

Me a rokui el santo el mo melatk e meruul aikal tekoi a mo nguu a klisichel a bedengir me a klisichel a chiuesir;

Me te mo metik a llomes me a betok el mekreos el tekoi, el berrotel e mekreos el tekoi;

Me te mo remurt e diak bol mesaul, e mo meral e diak bol mesaul a rengrir.

Ea Rubak a mesterir tial yaksok, el ngkel melemall el anghel a mo imiu er tir, el di ua rengalek er a Israel, e diak el lomekoadd er tir. Amen Mesa (Doctrine and Covenants 89:1, 3–5, 8–10, 12, 16, 18–21).





Omengitel a Melemall el Klalo

Alsekum me ke ousbech a dekoool, rrom, kohi, tii, meknig it el klalou, malechub eng kuk di bebil er a melemall el klalou el muleksau er ngii, e mterob er chelechang. E kau a mo mukngeltengat er a mesisiich el bedengem me a reng. A rebebil er a rechad a mla rulleterir el smau malechub e te mla meksongeterir er a ikal klalo mengmerengla er tir el merrob a ulsbechellir er ngii. Alsekum eng meringel er kau a chemoit aikal omeksau el klalou, e molengit er a Dios lokuu a nglunguuch me bol ngosukau el mtechei a melemall luldasu, omeruul, me a ongetikaik el okiu aikel mo ungil a rengud el kirel, el ungil omeruul el ngarngii a rellii er kau. Me sel bol mui a klengar er kau el oak a ungil tekoi me aikel ungil a rengud el kirel, eng mo diak a kmal basio er aikel ngii a melemall me a meknig it. Aikal beldukl el tekoi a sebechel mo ngosukau:

- Mtibir el mo diak mousbech. Moluluuch e molsengerer e modengei el kmo a Rubak a mo ngosukau el mo mesisiich er a ikel omsau er ngii el meknig it.
- Mosuub chedaol llechukl. Bo modengei a bades e blechoel el molekoi. Ng mo meskau a chedaol el klisiich.
- Molengit el kirel a klengeltengat er a priesthood el mo ngosukau el mo mesisiich er a ongetikaik.
- Mchoit a melemall el klalou, e diak mluut el mo melai.

*Di molasem! E sel
multuul er a Tngakireng
er a klengar er kau, ea
Rubak a mo ngosukau,
ngii me a le meoud a
ukeruul el om ngarngii.*

- Mluches a taem, basio, ma blekeradel el kau a sebecchem el mo mechetikaik el mo tomelii a Llach el kirel Omelisiichera Bedenged. Mongedecheduch er a delam ma demam, bechim, misionari, me a rebebil er a omo-umerang er tir el sechelim el kirel a terbengel aikal tekoi el bla mluches. Me a okesiu, bom siik a beches el tekoi e moruul malechub e moruul aikel soam e diak bom mechetikaik er ngii. Morrenges a ungil er a rengud el ongak, mosiou er a rebebil, monguiiu a ungil babier, malechub e bo mouedikel a bedengem sel bol soam el mechetikaik.
- Bom teloi er a omeruul el ngarngii er a Ikelesia. E kau a mo kmeed er a Rubak e morngii a klisichem el mo mesisiich er sel rengum el soal aikal melemall el klalou.
- Bom nga er a ongdibel er a chelehad lolengeseu aikang malechub e bo molai a ngeso er a re semong er a ikal teloi.
- Ke le mobes el kmo a Rubak a mo ngosukau sel multuir er Ngii. Omengitel aikal klalou a sebecchel kmal mo meringel, me a rebebil er a rechad a sebeccherir el lmuut el mo meruul a osisiu el meknngit el mo betok er a tang er a uchei er a lechoit el rokui. Ngii di mola-sem, e kele bol mesaul a rengum.

Ngokiu a ngariou el reng me a llemalt me a okedong el mo er a Dios me a rebebil el kirel a ngeso, eng sebecchem el mo mesisiich er a omsau er ngii el meknngit el okiu a Tngakireng er a Jesus Kristo.

Me sel moltirakl er a Llach el kirel Omelisiich er a Bedenged, e kemo nguu a klengeltengat el blel yaksok er ngii a Rubak.



DECHELEL OMESUUB

Aikakid el beldukl el ker me a bades er a chedaol llechukl a mo ngosukau el muut el suub a betok el kirel osisechakl el ngar er a chelsel tial babier. A footnotes me a cross-reference er a chedaol llechukl a ngosukau er a lmuut el bebil er a bades me a ngeso el kirel aikal osisechakl.

Ngera uchul meng kirek el mo kerekikl er a ikel mo soiseb er a bedengek?

Osisechakl 20:1 (Bibilia, Chuodel el Renged)

1 Korinth 3:16–17 (Bibilia, Beches el Renged)

1 Korinth 6:19–20 (Bibilia, Beches el Renged)

Doctrine and Covenants 89 (A remisionari malechub e techedal a Ikelesia a sebecherir el ngosukau el mo nguu a hong er a Doctrine and Covenants. Ng sebechem el dirrek el mo er a www.mormon.org e mesang er a online.)

“Llach el kirel Omelisiich er a Bedenged,” *True to the Faith* (A remisionari malechub e techedal a Ikelesia a sebecherir el ngosukau el nguu tial hong. Ng sebechem el dirrek el metik er ngii el online er a www.mormon.org.)

Ngera el klengtengat el kirel a tekoi er a reng me a beluulechad a sebeched el ngmai loki u otireklel a llechul a Dios el kirel a klisichel a bedenged?

Daniel 1:3–20 (Bibilia, Chuodel el Renged)

Ng mekerang ea Rubak a smisichak sel kmechetikaik?

Mosiah 5:2 (Babier er a Mormon, llel a babier 83)

Mosiah 7:33 (Babier er a Mormon, llel a babier 162)

Alma 13:27–29 (Babier er a Mormon, llel a babier 243)

Ether 12:27 (Babier er a Mormon, llel a babier 510)

Ak Mekerang?

- Molemolem el menguiu er a Babier er a Mormon.

Bebil er a sebechem el menguiu: _____

- Moltirakl er a Llach el kirel Omelisiich er a Bedenged. Molulu-uch el olengit a ngeso el mo oltirakl er tial llach. Bol ngarngii a moktek er kau el mo melisiich er a bedengem me a reng el mo mengeroid er kau er a ikel meknngit er a bedenged lokuu a tabesul blengur me a kuk di bebil er a ungil omeruul el kirel a bedenged.

- Bo er a ikelesia er chelechal Sandei.

- Molemolem el mengedmokl er kau el kirel a techolb e chelid. Sils er a techolb e chelid: _____

- Momes er a www.mormon.org er a lmuut el omesubem el kirel a Ikelesia er a Jesus Kristo er a Uriul-klebesei el Santo.

- Melemolem el mesuub el obengterir a remisionari el mo medengei el kmo ng mekerang a llechul a Dios a bo lomekngeltengat er a klengar er kau.

Belsechel sel mei el ongdibel: _____

Ngklir me a dengua er a remisionari:



IKELESIA ER A
JESUS KRISTO
ER A URIUL-KLEBESEI
EL SANTO

www.mormon.org

Milluches a Zunga

Llel a babier 2, mengai er a *Brother Joseph*, mla er a David Lindsley. © David Lindsley
Llel a babier 5 mla er a Wei-Siang Wang. © Wei-Siang Wang
Llel a babier 9 © Tokio Onogi. © Tokio Onogi

© 2007 lokuu a Intellectual Reserve, Inc. Urrekodel a rokui el Kjisich. Milluches er a USA.

Kengei er a English: 11/05. Kengei er a oidel: 11/05. Oidel a *The Word of Wisdom*. Palauan. 01145 881

PALAUAN



01145 881